

Statistički podaci o implementaciji imovinskih zakona u novembru 2001. godine

Agencije koje djeluju u okviru Plana za implementaciju imovinskih zakona (OHR, OSCE, UNHCR, UNMIBH i CRPC) su danas objavile statističke podatke o implementaciji imovinskih zakona u Bosni i Hercegovini tokom mjeseca novembra 2001. godine.

Podaci pokazuju da je Federacija Bosne i Hercegovine donijela odluke u 78% od ukupnog broja primljenih imovinskih zahtjeva i riješila 48% zahtjeva. Republika Srpska je donijela odluke u 47% od ukupnog broja primljenih zahtjeva, te riješila 29% zahtjeva. Distrikt Brčko je donio odluke u 42% od ukupnog broja zahtjeva i riješio 36%. Sveukupno, odluke su donesene u 63% do sada podnesenih zahtjeva, dok je 39% podnosilaca zahtjeva ušlo u posjed svoje imovine. Dakle, prema najnovijim statističkim podacima iz mjeseca novembra na teritoriji cijele Bosne i Hercegovine još uvijek nisu donesene odluke u 154.520 primljenih zahtjeva. U prosjeku, tokom prvih 11 mjeseci 2001. godine zabilježeno je mjesečno povećanje stope implementacije imovinskih zakona od 2%.

U Banja Luci je u toku prošlog mjeseca stopa implementacije imovinskih zakona povećana za manje od 1%. Banja Luka sa stopom implementacije koja je manja od 22% je i dalje znatno ispod prosjeka u RS, uprkos činjenici da je od kraja prošle godine u tom gradu udvostručena stopa implementacije imovinskih zakona. Čini se da Sarajevski kanton, Hercegovačko-neretvanski kanton i Livanjski kanton sa stopom implementacije manjom od

40% ukupnog broja riješenih imovinskih zahtjeva kasne u odnosu na nekoliko drugih kantona u Federaciji BiH.